

甯國府志

第九冊

寧國府志十

輿地志

山

宣城縣

陵陽山在府治前一峯為疊嶂樓一峯為譙樓一峯為景德寺郭祥正雙溪樓詩陵陽三峯壓千里百尺危樓勢相倚卽此方輿勝覽山為郡之鎮自敬亭而南隱起為三峯環繞輿地紀勝同縣治西南為鰲峯又東南曰陽陂唐獨孤霖謂郡地四出皆卑卽阜為垣郡治蓋據此山之岡麓大清一統志宣城縣志同

按陵陽山以陵陽子明所居得名據唐宋以來地志皆在

寧國府志

卷十 輿地志 山

今太平縣此山偶與同名始見祝穆方輿勝覽蓋亦東泰山少華山之類以名勝而同名也今分列二縣下以防牽混

敬亭山在宣城縣北十里

元和郡縣志作十二里

山有神祠卽謝朓賽

雨詩之所其神云梓華府君頗有靈驗

太平御覽郡國志宋永初山川記

太平寰宇記並同

唐以避諱名敬亭曰昭亭元豐九域志曰宣城有

昭亭山是也高一十六丈廣袤一百二十里其東北為敏應

廟卽敬亭山神也有靈應觀西有廣教禪寺有萬松亭虎窺

泉齊謝朓唐李白劉禹錫司空圖各有篇咏

嘉靖府志

西第一峯

為洪村嶺有一峯菴

乾隆縣志

按敬亭爲縣之鎮山今列于宣城縣城外諸山之首其餘依四境叙次之方輿紀勝分敬亭昭亭爲二山誤

玉山舊名土山在縣東十里高二丈三尺袤五里山無石礫故名明尚書徐元太改今名突起拳曲古木藂蔚虬藤如斗

大中有惠照寺

大清一統志 乾隆府志 署同

碧泉山在玉山東十里

大清一統志

按碧泉山距玉山三十里

石馬山 華蓋山 漪塾山俱在碧泉山東

乾隆府志 同

牛矢嶺在碧泉山北

同上

麻姑山在縣東三十里

一作三十五里

高袤與敬亭山等麻姑修道

于此飈舉有仙壇丹竈存焉

輿地紀勝 嘉靖府志 同

寧國府志

卷十

輿地志 山

二

靈馬山在麻姑山東

乾隆府志 同

雲頭山在麻姑山南有雙廟岡

同上

掉石嶺在麻姑山北

同上

水東山一名雲霧山在縣東七十里市有渡

乾隆府志

寨山稽亭山北

一統志 按寨山有二一統志之寨山在稽亭南

午山在水東山南有高家嶺亭子嶺

乾隆府志 同

蔡后山在水東山南北有九曲嶺

同上

象鼻山 獅山 石壁山俱在水東山東

乾隆府志

雙峯山在水東山南二峯對峙俗稱叉山上有蛟龍潭

同上

卽

了山距城八十里陸羽茶經橫紋茶出宣州了山卽此

採訪冊

南有塘泥嶺南通徽寧北達蘇杭北有大嶺接建平界同上

十字路山在宣城縣東七十里乾隆府志

南山在十字路山東乾隆府志同

四望山泉岡山俱在十字路山東北同上

嶧山在縣東南三十里宛溪水出焉大清一統志俗傳項羽兵敗

垓下自烏江南渡路繇此嘉定宣城志

城山在嶧山東乾隆府志同

石馬山在嶧山西北乾隆府志作鳳凰山未詳按此亦與碧泉山東之石馬山同名

鳳形山在石馬山東乾隆府志

折山在縣東南三十里山勢紆屈至此若橫截然下臨仙溪

寧國府志

卷十 輿地志 山

相傳奚氏女浣紗于此不返家人索之但見溪流清泚異常

以為仙去有折山寺乾隆府志同

大勞小勞二山在縣東南四十里大勞有洞可容數十人大

清一統志按本草經有勞山葑未知何地今此山不種而生且嫩

美焉乾隆縣志安山在勞山東 後潭山在安山東並同上

玉屏山墨斗冲雙廟山小坑山 四山並仕城東南七十里

順治十八年奉 旨禁採煤石历年碑載俱存採訪冊

象林山 城東七十里月山城東七十里 仙殿山城東四

十五里採訪冊

稽亭山在縣東南六十里高二百一十丈袤六十里有仙人

巖三天洞及壽昌禪院本隋時扶風禪師道場祥符圖經云
縣東南有稽亭山古仙人居處也行客奇其幽曠至此必駐
步稽遲故名輿地紀勝 元豐九域志 惟云宣城縣有稽亭山

按太平寰宇記三天洞東南去郡城五十里不言洞所在
山名土人云稽亭山與三天洞中尚隔陳家山今攷陳家
山蓋土俗之名故宋元明輿地書及府縣志皆不錄或又
云仙人巖三天洞亦係二山並屬強爲分析今仍據輿地
紀勝九域志列于稽亭山下而附記于此又乾隆府志于
稽亭山下別有三天洞山亦強分一山爲二山今並改正

落星山在稽亭山東田中突起一峰相傳星隕于此乾隆府志同

寧國府志

卷十

輿地志 山

四

長旛嶺在稽亭山東同上

袍笏山在長旛嶺東乾隆府志

寨山洞山俱在稽亭山南洞山有洞可容數百人一統志 乾隆府志

馬凹山在稽亭山東北乾隆府志同

柏枧山在縣東南七十里與寧國縣接壤山之陽卽文脊山
也谿谷邃深峯巖回曲飛流界道跨岫爲梁大清一統志 晉瞿劭

先生隱此古有僧以柏皮引水入厨故名柏枧乾隆府志

歙溪山在柏枧山西山半一凹名錢家壠乾隆府志同 萬人坑山

脊與寧邑接壤 梅村山在柏枧山北同上

查樹嶺在歙溪山西北自寧國過涇間道由此同上

石龍山在查樹嶺北下有洞龍出則雨

同上

海螺山在石龍山東北山形如螺南里許為坐吉山

乾隆府志

獅子山 竹山 長里岡在歙溪山東北山上平岡道路頗

長東有鶴馭山

乾隆縣志

栗木岡獨山在長里岡東十里

乾隆府志同

夾岡山在長里岡東北十五里

同上

峻山在夾岡山東南

同上

水西山在夾岡山東南下有橫溪與水東山分峙

乾隆府志

桃園山在夾岡山東五里

乾隆縣志

響山在宣城縣南二里下俯宛谿有響潭

大清一統志

上有釣臺

寧國府志 卷十 輿地志 山

相傳嚴子陵嘗釣此

乾隆府志同

響山在縣南五里李白登響山

詩云築土接響山俯臨宛水湄權德輿記曰得響山焉兩峯

對峙蒼翠對起

方輿紀勝

按權德輿響山新營記云揭東西二亭於雙峰之上相距

二百步碧山亘目清流下駛跨以虹梁抵茲近郊及韓文

平陽路公神道碑云縛作響山亭營軍于左右權丞相善

之鑣其說于響山

夏家渡山在響山南

乾隆府志

雙羊山在縣南五里以山有雙石羊故名梅聖俞詩風雪雙

羊路梅花山下村

方輿紀勝 嘉定宣城志 大清一統志並同 乾隆府志作三里

栢山在雙羊山西乾隆府志同

按嘉靖志以雙羊山栢山為一山今從乾隆府志分列

赤土岡 谿頭山在縣南三十五里北為鳳家冲乾隆府志

許村山在谿頭山南同上

花廟山在許村山南同上

黃泥岡在谿頭山北縣志

官塘山在黃泥岡北同上

戚家山在官塘山北同上

曷山在縣西南三十里楊行密攻宣州趨曷山即此宣城縣

志松巖山又西北曰曷山大清一統志

寧國府志

卷十 輿地志 山

松嶺在縣南四十里嘉靖府志

按此嶺乾隆府志及宣城縣志皆不載今據嘉靖志補入

巖臺山在縣南四十五里乾隆府志 巉巖峭壁上有平臺下

有石洞乳泉大清一統志

石嶺頭山 花田山 西山俱在巖臺山北縣志

桐子岡在花田山北十里同上

曹塘山在桐子岡北與桐子岡相望乾隆府志

七里岡山在桐子岡北縣志

鵲山在縣南六十里嘉靖府志

橫山在縣南六十里乃陵陽敬亭諸山發脉處乾隆府志

魯山在橫山東華陽水徑其下又東爲新田山高坡水魯墨

溪華山大河徑繞其前大清一統志魯山距城六十里自華陽橫

山分脉土人立廟祀魯王故名新田山距城五十里由橫山

東突起一山絕頂有平臺俯瞰華陽栢棧諸山乾隆府志

九里山在橫山東邑有兩九里山一在北路同上

千堆山在新田山東縣志

幞頭山在橫山南乾隆府志按幞頭山與橫山並係郡城來脉知縣鄧性捐俸買爲官山嚴禁採掘煤

石厯有碑記 壁田山 孔川山俱在橫山北同上

長山 雙牌山 石嶺頭山俱在橫山北乾隆府志同

華陽山在縣南七十里跨宣涇寧旌四邑之境周數十里高

寧國府志

卷十 輿地志 山

數百仞大清一統志南爲高峯爲梅隴嶺爲盤嶺下有洞可容百

餘人洞中有獅象石頗稱幽勝稍西爲金牌嶺盤嶺金牌二

嶺之間爲涇旌間道僅通一線郡南一阨塞也乾隆府志同

按盤嶺金牌諸嶺皆華陽山支峯乾隆府志別分名目列

於華陽山之外究係繁冗今從縣志

高峯山在宣城縣南八十里華陽之南高七百八十仞大清一統志

梅隴山在縣西南六十里高十餘里同上卽密隴嶺

銅山 在縣西二十里相傳產銅山有巨人跡採訪冊

龍潭山與梅隴山相近同上

象鼻山與龍潭山接乾隆府志

華蓋山 斗門山 石壁山 隆潢山俱在華陽山西北志 縣

苦竹山 鳳凰山俱在華陽山東北同 上

松巖山在華陽山東北山多松故名乾隆府志 同 縣

城山 大小墨山 洞山俱在縣南七十里皆華陽山支麓

洞山有洞故名志 縣

西長山 寨嶺 丁山在縣西十里高十六丈岡勢廣袤西

南與敬亭接以山作丁形故名嘉靖府志

團山在縣西十五里與敬亭相接同上

按團山與丁山相去約二里許中隔東清流陂之下流乾

隆府志云與丁山相接誤

寧國府志

卷十 輿地志 山

天門山在縣西三十里高瞻華陽諸峯儼如門肩乾隆府志 同 縣

按嘉靖府志作在城西四十五里

大茆山 馬跡山 長嶺仙人岩 並東南六十里採訪冊

高嶺山在天門山東北十里志 縣

峽山 將軍山在城西三十五里勢皆峭拔雄峙山絕頂有

祠山行祠嘉靖府志

行廊山在縣西北五十里高一百五十丈袤三十餘里南面

二峯對峙環抱若行廊然故名有巨人跡白雲池梁高僧杯

渡道場輿地紀勝 山在縣西北四十里下臨大明湖大清一統志 乾隆志

石湖山 在縣西三十五里下為桃花園採訪冊

牛頭山在行廊山西北縣志

方山在牛頭山西北縣志

查山在縣北五里昔屬查氏查南唐大姓也有域墓在焉相傳為查宣公墓舊有碑不存嘉靖府志

按乾隆府志云敬亭山一名查山今考敬亭去縣十里查山去縣五里究係二山今從嘉靖志分列

盤石山即盤龍山敬亭之東循河而北乾隆府志

甌山外圓而中凹如甌釜然故名在敬亭山東五里由小路為佛子嶺達水陽鎮由大北路為梅子岡達黃池鎮同上

峽石山在縣北二十里郡治之水口也石壁嵌峻下臨溪流

寧國府志

卷十 輿地志 山

泓澄可愛其旁即石頭浦此敬亭北第一支嘉靖府志

麒麟山在敬亭山北十里乾隆府志

梅子岡高亭岡在麒麟山北十里乾隆府志同

城山與城東南城山同名稻堆山俱在高亭岡東北十里同上

狼山 大山 牛頭山在九里山西南北為桃花園

九里山樂義岡在麒麟山西乾隆府志

佛子嶺在縣北二十里嘉靖府志 乾隆府志同

崑山在縣北六十里高一百丈勢自東北來綿亘數十里山

有大覺寺嘉靖府志 縣東北有大崑山小崑山並在南湖之北小

崑山巖石尤峭乾隆府志

鳳皇山在小崑山後邑有兩鳳皇山一在西南上同

滾山在崑山北乾隆府志同

橫岡山在縣北百里山赤色下有橋乾隆府志

豹山北十里為新豐街又北三十里為橫岡山縣志

楚王城山在縣北一百十里乾隆府志黃池鎮南一里古斥堠在焉詳古蹟

贛船山 城北一百里縣志

長山在縣東北六十里北嶠嶺北歲陶官瓶于此慈谿出焉

大清一統志 乾隆府縣志同

紫峯山在長山西乾隆府志

雲山在縣東北七十里有雲山寺嘉靖府志山下有金牛洞幻石

寧國府志

卷十 輿地志 山

象形巧成天造扣之聲侔鼓鐘魏良臣有洞記相近有藏書

洞乾隆府志同

大延嶺在雲山西同上

北嶠嶺在大延嶺西乾隆府志作白魚嶺 縣志

塞口山在北嶠嶺西乾隆府志同

董谷山在雲山北乾隆府志

金山在董谷山北同上

按此二山縣志失載

九龍山在金山東乾隆府志

蔣山在縣東北八十里下瞰固城湖與高淳縣接境大清一統志

乾隆縣志同

南陵縣

籍山在縣治東北

方輿紀勝作縣西

陂陀聯絡為邑之鎮

大清一統志 山

為城內主山由工山百折至此年久頽削明知縣沈堯中審

其形勢疊石為臺建樓其上堯中有記

乾隆府志

按方輿紀勝所載藍山桐嶺湖山白額山石女山龍珠山

皆分列南陵縣下實皆涇山誤入此縣今概不引

箬帽山在縣東南十里有青墩頭可以眺遠其支有鵝公

凸下臨石潭曰海子溝有龍藏焉時或騰躍

一統志乾隆府志署同

石嶺在縣東南十里路通涇縣

乾隆縣志同

寧國府志

卷十

輿地志 山

十一

干堆山在縣東南十五里以上墩泡纍纍故名

乾隆府志

神龍山在縣東南二十三里從分界山來逶迤坡陀最後卓

起一峯如龍昂首上有睢陽廟

乾隆縣志同

分界山在縣東南二十三里與涇縣分界

乾隆府志

按此即涇縣李衝分界山在南陵縣梅根鄉兩縣于此分

界

五里岡在縣南五里

乾隆縣志同

雲家山一名仙女山在縣南十二里

同上

崇嶺山 鵝嶺俱在縣南十二里

一作二十一里

舊傳有金鵝自涇

之蠻唐山飛來棲此下有巡檢司故址

康熙府志乾隆府志並同

敬亭山在縣南三十里山甚低小偶與本府山同名嘉定宣

乾隆府志 署同

呂山在縣南六十里山有石室山南石罅有泉湧出即漳淮

之源也南流五十里至縣為東溪嘉靖府志 明史地理志 大清一統志 乾隆府

縣志 署同南江又東旋溪水注之溪水又北合東溪水水出南里

山北逕陵陽縣東桑欽曰淮水出縣之東南北入大江水經注

按水經注東溪水下即引桑欽說明以淮水東溪為一水

也據各地志淮水皆發原呂山呂里音同則南里山當即

呂山東溪又名淮水嘉靖府志與水經注亦合唐大德初

楊行密自銅官濟江敗宣州兵于呂山遂克宣州即此

寧國府志

卷十 輿地志 山

車山在縣南六十里山形似車乾隆府志 同

蒲山在縣南七十里呂山南十里為蒲山大清一統志

趙冲嶺在縣南七十里縣龍過峽於此乾隆府志

格裏山在縣南七十五里從兩小徑入日大格口小格口兩

山夾行連十五里不斷如畫格然故名中有腴田深澗人烟

相接大清一統志 乾隆府志 縣志 並同

獨山在縣西南十三里山與柿樹溝近乾隆府志 同

楓樹岡在縣西南十五里岡有楓一株覘其葉先茁所向以

卜年豐同上

顧村陳家山在縣西南十八里同上

石龍山在縣西南二十里

同上

程家壠在縣西南五十五里

同上

水龍山在縣西南六十里山有泉出山巔石巖噴高五尺許

濤湧而下田畝賴以灌溉旁連橫山嶺

大清一統志

黃山在縣西南七十里

乾隆府志同

靈巖山在縣西南七十里唐貞元時金地藏建寺於此

乾隆府志

志同

丫山在縣西南七十里與青陽接壤

乾隆府志同

霽頭山在縣西南七十五里接青陽界有泉下注為煨湖為

雙龍井

大清一統志

寧國府志

卷十

輿地志 山

十三

花山在縣西二十里有道出銅陵縣

方輿紀要 乾隆府志 畧同

工山縣西三十里高數千丈圍七十里縣鎮山也晉朗陵侯

何琦棲隱焉宋孝子李經廬墓其下山腰有泉曰龍池歲旱

禱雨輒應

乾隆府志

按何琦在晉書孝友傳與西晉初封朗陵侯之何曾鄉貫

不同族望亦異何得牽作一人此種土俗所傳最為鄙陋

而明曹學佺名勝志及輿地志江南通志等並襲其訛可

云無識矣今據晉書等駁正下朗陵山誤亦同

朗陵山縣西三十里工山南亦以何琦名相傳琦居此辟穀

鍊丹山南有丹井其來脉曰落牛嶺

乾隆府志

按嘉靖府志晉朗陵侯誤作唐朗陵公今從乾隆府志改

正

石鹽塘山在縣西三十里兩山石麓相接如門中有邱壑林

巒外望四山壁立似無逕通

乾隆府志雍正縣志同

屏風山在縣西三十里聳削如屏縣治來脉從此山左角落

下同

七女山在縣西三十里其並峙者為石潮山

方輿紀要

石潮山與七女山連石下泉湧如潮故名

乾隆府志雍正縣志同

黃連山及大小瑤婆山在豹兒壠內

同上

按此山乾隆府志不載去縣里數惟云在豹兒壠內則道

里當與黃連山同下有紫山亦然

同山在縣西三十五里有石洞流泉

方輿紀勝乾隆府志同

紫山有紫氣與同山俱在麻橋內

乾隆府志雍正縣志同

大脉壠 謝家壠俱在縣西三十六里

同上

馬鞍山 祿領山 聞家山 張家山俱在縣西四十里

同上

大王衝山在縣西四十五里

同上

鷺峰山在縣西六十里石洞有風

同上

橫山嶺在縣西七十里西通銅陵

同上

官山在縣西七十里石洞

同上

內翰山一名白石山在縣西北七里

同上

射的山在縣西北三十里據故老相傳上有玉石在壁內南

面遙見有白處曾有人取上山後遇風雨不果今遠望頗似

射侯故名射的山諺云射的白米斛百射的元米斛千又以

此為豐歉之驗

太平寰宇記 方輿紀勝 大清一統志 並同

新亭山在縣西北三十里

乾隆府志 同

石音山人行則有聲又名團山 白山石色如玉 梅花山

峯似梅花 石岡山與繁昌接界四山俱在七都境

同上

按以上四山乾隆府志不言去縣里數惟云俱在七都境

內與繁昌接界則俱在縣西北三十里也

馬仁山在縣西北四十里唐時王冲霄陳商同隱此山商登

寧國府志

卷十

輿地志 山

十五

科仕至宰相冲霄終隱不出商之居後為僧舍

嘉定宣志 城

東南

屬本縣西北屬繁昌銅陵形如人馬故名唐貞元中山南有

石馬鳴遂去其首足以厭勝之改曰馬仁

乾隆府志

了頭山在縣西北四十里

乾隆府志 同

涇縣

漢山在縣東三里突然孤秀下有深潭

大清一統志 乾隆府志 同

東山在縣東三里數山輻湊皆平岡形勢環合漢末孫策戰

太史慈處

國朝順治三年提督張天祿據此飛砲擊城破之

乾隆府志

鼓樓山在縣東七里形如覆鐘高十餘丈廣數十畝相傳謂

前代軍興曾置烽火鼓角樓於其上

涇川志

黃幕山在縣東南十里與今縣治相對旁有兩山左曰屏橫

山又曰桂嶺形如樓臺右曰寨山形如屏橫袤五里高百餘

丈此山之下分派岡阜自縣東南山引脉相貫以至縣基

涇川志

志

天馬山在黃幕山東頂出雙峰形如馬綿亘十餘里列如屏

嶂由天馬山過雙柱峰東折而西至黃幕山

乾隆府志

金牛嶺在黃幕山東俗名耙齒嶺秦坑山在金牛西北江衝

山在金牛東南並在縣東十餘里

同上

根木山在縣東十三里高二十餘丈廣數百步

涇川志

寧國府志

卷十

輿地志

十六

按此山乾隆府志及縣志皆不載

任家山在縣東十五里山皆平岡廣六七里中日羅婆衝有

坦途上通清潭下通桑坑

嘉靖府志

門山 汪公山並在十餘里內

乾隆府志

西山在縣東十八里高五十丈廣一里餘有三峰相連在清

潭官路之西因名

涇川志 乾隆府志同

大堆山在縣東十八里廣數百步形如堆錢因名

涇川志

余衝山在縣東二十里高百餘丈中有銀爐墀取銀坑俗傳

唐時諺云兩山相戴兩石相載下有寶貝遂鑿山置冶舊跡

猶存

嘉定宣城志 涇川志同

金壺山在縣東二十里石壁峭峻下有平臺

方輿紀勝一
統志作二十五

橘林山在縣東二十里高百餘丈廣六七里其下有西峰

川 隆

志

按嘉定宣城志作儒林山儒係橘字之譌

祝山在縣東二十里高四十丈廣數百畝古有祝姓居其下

因名

嘉定宣城志
乾隆府志畧同

台泉山即東石山在縣東二十里高六十丈廣數百步明大學士許國讀書於此因改今名四面環石多奇勝有鬱孤峯一名卧龍崖普陀巖一名觀音崖玉磬洞浮龜石望江亭臺

寧國府志

卷十

輿地志 山

十七

泉精舍在焉有瀑布泉飛濺于孔道之旁

涇縣志 乾
隆府志畧同

崑山由黃泥嶺趨西北至此迤邐嶠嶺高數百仞袤十餘里為治東巨鎮山頂有池冬夏不竭中多蜥蜴或云即神湖上有崑山龍王廟西有朝陽洞南有水洞姚峰嶺打鼓嶺壑墩山楊梓山獨山稻堆山青山諸山連接並在縣東三十里

隆 乾

府志

北衝山在縣東三十里兩小山雙峙其中怪石差竅環以清

谿特為勝概

方輿
紀勝

黃泥嶺在北衝山東

乾隆
府志

東坑山在黃泥嶺東

同上

棐高山在幕山北琴高漢處士也有隱雨巖是其控鯉上昇之所巖下有洞洞旁有釣魚臺大清一統志山以人名峭如壁立

循壁鳥道而升有隱雨崑有磨崖古刻剥落不可辨下瞰

深淵是名琴溪跨橋其上產藥渣細魚後有峯曰塔子山涇縣志

志

巧坑山在縣東三十里高百餘丈廣二里山勢奇巧多怪石

因名曰巧坑涇川志

考坑山一名巧坑兩峯相夾有嶺焉為旌歛孔道

國初建石關設汛兵置烽烟墩於此涇縣志

兔兒嶺 乎頂山 謝坑山 烟石嶺俱在巧坑西北乾隆府志

寧國府志

卷十 輿地志 山

白水山由烟石嶺分支西折而北趨至此頂有湍泉屈曲而

下望如瀑布西北有舒濳嶺元武嶺同上

長山在白水山西北縣南十五里長三十餘里涇川志 大清一統志 同

云錦溪水出此

石礮山在縣東三十里高三十丈山有石洞洞中石臺水井

天窻甚明朗紹興初張琪之叛有藏于洞而得全活者嘉靖府志

方輿紀要在在縣東二十二里

龜嶺在縣東三十里高三十丈廣數百步下有水湫二相傳

白龜嘗從此出下至栢山石有似龜形者名曰龜石嘉定宣

烏溪嶺在縣東三十里上五里有張村嶺乾隆府志 涇縣作烏溪坑

西風山在縣東四十里四崖圍合中介一嶺曰破脚晉桓爨

拒韓晃墜馬傷足因名

乾隆府志

桓公嶺在西風山北三里為桓爨戰死處

同上

朱砂山在縣東五十里山石竅中紅色發現其大如月俗因

以朱砂名之

方輿紀勝

高十餘丈廣倍之下瞰溪水巖顛有石面

尺餘紅色如朱時或鮮艷則其鄉井災土人以是候之

嘉靖府志

金紫山在縣東五十里其山面西廣袤數百餘丈高百餘丈

巉巖峻險有石如立者四高二丈餘石之色如金紫故名

涇川

志 上有風穴投物于中飄空而起

乾隆府志

魚龍山在金紫山北山下有伏獅石魚龍潭

同上

寧國府志

卷十

輿地志

十九

金竹山在縣東五十里峻峭秀鬱林壑幽美初以其竹多黃

色故名

嘉靖府志

按此山乾隆府志及縣志皆不載今從嘉靖志補入

東山在縣東五十里綿亘峻偉上有石洞圓門入者每聞錚

縱聲山之半為九里嶺

乾隆府志

謝家嶺在縣東五十里廣三十步高十餘丈上有龍王祠

嘉定

涇川志 志畧同

黃峴山在縣東南六十里自旌德縣界椿嶺至黃峴山止約

三十餘里自下而上約十餘里廣袤百餘丈山之絕頂如平

地故以黃峴名山上有一小池水深二尺許

涇川志

山高千餘

仍亘三十里羣巒列嶂狀若蓮花雄鎮一邑爲縣治之祖山
胡懋績峴山紀畧黃峴山黃山之分支也西面數里有峰曰
太乙又西曰華蓋又西曰天乙天乙峰半有廟以祀龍歲旱
祈禱輒應廟之左右曰繖花塢曰蘚坑曰橋坑曰雙石塢曰
犀牛望月石峰南曰三臺峰稍下有杜鵑谷又南曰無偶嶺
又南曰石壁山下有石金坑天乙峰北曰石人峰又北曰大
嶺又北曰小嶺二嶺之間曰楓坑大嶺而下曰掛榜山大嶺
之北曰錦屏峰又北曰文筆峰乾隆府志作卓筆山又北口
石門峰又北曰半瓣峰極北曰星聚峰東北曰溪頭坑西南
曰桂坑

涇縣志

寧國府志

卷十

輿地志 山

二十

佛牙山由黃峴而北形如齒牙今名乾明嶺是多松竹

涇縣志

乾隆府志畧同

旗山在黃峴之南角又南曰楊武山曰明山曰文殊山曰眉

山距縣六十里而遙

涇縣志

文殊山在縣東六十里與明山相對去一里許相傳昔文殊

現其上有毫光對照甚明故二山得名如此

嘉靖府志

紗帽山在縣東六十里舊名慈坑由九里嶺西趨至此有峰

插漢曰鼠尾尖

乾隆府志

鼠尾山去縣東六十里聳入半空形如鼠尾

嘉定宣城志

其坑曰

慈坑

涇縣志

關旗嶺在紗帽山北十里一峯拔立高百餘仞乾隆府志

貂蟬山在縣東六十里高百丈形類貂蟬方輿紀勝旁有水泉不

竭大清一統志
乾隆府志 署同

三乘山在縣東六十里山多怪石天然疊如屋室可容數人

名觀音巖嘉靖府志

舉山在縣東六十里地名竹林隴塢甚多高可二百餘丈圍

繞三十餘里涇川志

方坑感慶山一名抱弓山在縣東六十里其山面西北仰高

嶮絕廣袤數百丈昔張琪擾攘之時保甲作寨其上與賊相

持民獲保全遂以感慶名之涇川志嘉定宣城志惟云方坑山在縣東六十里

寧國府志

卷十 輿地志 山

按乾隆府志以方坑感慶為二山未知何據今從涇川志及縣志

黃麻山在方坑感慶山西北危峯屹立雄峻迥異山半有穿

山洞西南曰古壇墩上有泉不竭乾隆府志涇縣志署同

黃沙嶺高亘綿長古稱險隘舊有鎮鷓子山駱駝山陰山郭

家山俱極窮僻與黃沙嶺相連乾隆府志

白楊嶺在縣東六十里廣三十步高四五丈嘉定宣城志

百湖山在縣東六十五里與徽之箬嶺相接形如舞袖溪流

繞之百折而出故名百湖龍祠在其間乾隆府志嘉定志署同

筆尖山在縣東六十五里有三峯連屬並秀高一百餘丈鄉

民種菽粟於上山之背卽旌德縣界周圍四十五里涇川志

筆架山三峯連屬高二百仞東南屬旌西屬涇界亦名蘭石

山筆尖山下有蘭石晉俞縱死難處乾隆府志

湧溪山在縣東七十里黃峴南廣袤三十餘里其上多杉木

多茶湧溪水出焉其惱爲桐坑山卽桐嶺與旌德分界又盤

嶺雙嶺碓背峯在山西稻積山望村嶺小溪山俱在湧溪東

涇縣志 嘉定宣城志有桐嶺在縣東八十里卽指此山之桐嶺也

按 大清一統志及嘉靖府志所載雙嶺在縣東七十五

里二嶺相連五代時斷岡成路卽此嶺也今併入湧溪山

下以歸簡要

寧國府志

卷十 輿地志 山

佛子嶺一名風子嶺在縣東七十里沿嶺小徑入湧溪徑傍

細石凝結若風穴雖盛夏清風襲人人或呼爲風子嶺嘉靖府志

乾隆府志 作風子嶺

石屏風山在縣東八十里廣袤數百餘丈高百餘丈其石如

屏風因以名焉嘉定宣城志 乾隆府志云去縣五十里似誤

芭蕉山在縣東八十里廣袤數千丈高千餘丈嶮峻如壁通

宣城路涇縣志 山又東曰茶坑又東北曰陽嶺曰印斗坪涇縣志

乾隆府志 志畧同

金牌嶺在縣東九十里綿峻崎嶇一綫鳥道跨宣城南界乾隆

府志

按此嶺卽宣城縣華陽之支峯與涇接界之所

西坑山在縣東南二十里

涇川志 乾隆府志不載去縣里數

南坑山 古丁王廟山

乾隆府志金碑分支西南之山止此

湯餘嶺在縣東南二十五里高九十丈有湯姓居此故名

嘉定

宣城志 乾隆府縣志不載

石鼓山在縣東南四十里有石如鼓天雨卽鳴

方輿紀勝俗傳山有馮

唐宅事屬傳訛今不載

飛泉迸湍其聲如鼓

大清一統志

按此山乾隆府志作去縣東南六十餘里涇縣志又云在

縣東五十五里無一同者今從方輿紀勝里數

皇托山在石鼓山南山下有陽和洞洗刀池相傳晉桓爨磨

寧國府志

卷十

輿地志 山

二十三

劍于此

大清一統志涇縣志畧同

九峯山在縣東南六十里山起九峯廣袤數十丈高十餘丈

故以九峯名之

涇川志

夫人尖山在九峯山東三里以香心夫人得名由夫人尖而

西三里曰九峯山

涇縣志

淘金山在夫人尖西

乾隆府志

百花尖山在縣東南六十里羣峰連聳高五百餘仞

同上

游馬山由百花尖中出而北趨至此高險不可升旁有楓樹

坪周圍以石磊寨相傳晉桓爨嘗屯軍於上相連有桃花洞

上懸絕壁下臨清泉春暮不減武陵

同上

湖陂山 金山 南山並去縣東南六十餘里上同

石巖山由黃峴三台峯直下過同口殿坂而西趨至此高數百仞周山皆長松怪石頂有圓通菴上同

花泥山 芙蓉山 青里山 烏石嶺山並與石巖山相連

上同

青山由石巖山後五柴岡西出過長冲坂而北趨五里至此其上有寺翠巘清泉雅多風景南二里有丙子山上同

茹麻嶺在縣東南六十里羣山環列徑道崎嶇有巡司戍守

方輿紀要
乾隆府志同

紫荆山在茹麻嶺西三里涇縣志 乾隆府志作五里

寧國府志

卷十

輿地志 山

榜山在紫荆山西北五里涇縣志

馬鞍山在縣東南六十里一名鶴峯由紫金山北趨至此兩

峯高峻形如馬鞍探嘉定志 乾隆府志合纂

鄭家坪山在馬鞍山北涇縣志 乾隆府志同

天格山在縣東南六十里迤西曰抱兒峯又西曰梨樹峯又

西曰黃連峯又西曰金釵峯其上曰中峯曰白馬峯相傳唐

黃巢將白馬將軍駐此最高者曰豸峯懸崖陡壁遠眺黃山

一覽無際涇縣志

按乾隆府志梨樹峯作梨尖峯白馬峯作白馬山豸峯作豸峯山亦不載去縣里數止云與淘金山相接則亦當在

縣東南六十里也

唐山在縣東南八十里陵阜回環峰巒聳拔東南至北諸山皆其支岫其陰為旌德東界

乾隆府志 涇縣志 署同

烏雀嶺山由磨盤後之唐山北趨十里至此嶺路崎嶇登陟

不易踰嶺有葉家坦為寧邑界

乾隆府志

戰嶺山上有磨崖箭石

同上

貓兒嶺山 百山尖 犁尖山俱從葉家坦入仍係涇山

同上

磨盤山在唐山北二十里連峯簇擁溪水出焉

涇縣志 乾隆府志 署同

塘降山在縣東南七十五里上有大聖殿龍王祠

嘉定宣 志

椿嶺在縣東八十里

一作東南 九十里

廣數百畝高五里餘路通旌

寧國府志

卷十

輿地志 山

二十五

德

涇川 志

大山在椿嶺西橫亘六七里中為旗墩嶺南為玉屏峯北為

筆架峯居民種菽於其上

乾隆府志

龍王坑在大山南十餘里盤折幽僻中通一徑有黑虎洞風

洞磨盤石上有古篆人不能識

同上

烟墩山在龍王坑南晉將軍俞縱守蘭石駐軍處

同上

承流山在縣西南四十里相傳竇子明嘗隱於此以其為陵

陽令故名今有醮星壇煉丹竈存焉

方輿 紀勝

山有九峯皆極聳

秀為邑之冠山從有避兵洞山之西有赤土洞自承流而南

峯岫盤旋百有餘里如城壘然東達旌德西接太平谿谷幽

深最爲嘉勝山之東有東流山

大清一統志

承流山縣治之對山

也峯巒聳秀一望積翠爲八景之一其峯有九中爲狀元峯

左爲掛榜峯下爲蓮華峯右爲紗帽峯又左爲積翠峯望雲

峯右爲毓秀峯友愛峯又左爲覽勝峯皆藪承流之畔拱挹

學宮山半有元虛洞竇子明辟穀所醮壇丹竈存焉後有避

兵洞下爲承流府君祠望雲峯下龍井泉神龍居之有蜥蜴

可以致雨有獸焉曰天馬

涇縣志 乾隆府志同

大小幕山在承流山東

乾隆府志作東西大幕山

晉唐間用兵駐幕於此

涇縣志

徐家嶺在承流山西北

乾隆府志

寧國府志

卷十

輿地志 山

東流山初名嵩山在縣南五十里約高數百丈唐末有逸士

隱此號東流府君自此號東流山

方輿紀勝

藍山在縣南五十里南江北逕安吳縣東晉太康元年分宛

陵立縣南有落星山山有懸水五十餘丈下爲深潭

水經注 方輿

紀勝誤入南陵縣下

山在縣西南六十里周三十里下有藍山坑俯瞰

安吳渡

大清一統志

大藍山卓如列屏俯瞰落星潭三國時建安吳縣於溪東峯

崑廻曲一望蒼翠李白經此山麓有故歌臺懸水成溪流五

里許曰活潑灘沿灘而上高矗數百仞境漸幽深其東南支

岡曰嵩嶺曰畫樹嶺

涇縣志 乾隆府志 嵩嶺誤作高嶺

按一統志安吳故城在涇縣西南五十里藍山南又乾隆府志大藍山去縣西南五十五里南有安吳城趾皆與水經注合則藍山即古落星山也

合山在縣南五十里兩峯尖秀高約千百丈周圍十餘里地名李樹村山之巔有一平地方圓十餘丈

嘉定宣
城志

南崑山 旗頭山 金頂山 戰坦山 粟山 康琅山

障北山 白茅山 趙家山 赤土山 放杖嶺

一老人雙
髻如雪幅

巾藜杖過此曾放杖
少憩因名 涇縣志 吳家嶺 沙嶺 龍門嶺

以上俱在
合山南

陽山在縣南五十里陽山一峯危聳高約一二里周圍十餘里其山有五壠圍繞遍於一村如土城然

涇川志

傳有老人拄

寧國府志

卷十

輿地志 山

二十七

杖登山不返人謂為山神遂立陽山府君祠

嘉靖府志 乾隆府志作尖陽

山餘
同

稠嶺在縣南五十里廣百餘步高數十丈

嘉定宣
城志

黃虎山在稠嶺西南後有天川塢坑曰西坑有龍潭康熙甲

午旱知縣賈鎔祈禱得一物昂首出潭迎歸雨隨注三日乃

作記鐫碑潭上

乾隆府志

銅嶺在縣南五十里

乾隆府志作
二十五里

山甚高腰有小徑人往來

踐之有聲相應

嘉靖府志大
清一統志畧同

小岳山

乾隆府志從平
田特起如舟

南大山

乾隆府志中條
諸山至此盡

齊雲山一名石女山在縣南六十里

大清一統志作四
十里與承流對峙約

高五十餘丈周圍七八里頂上有平地約十餘畝有庵曰齊

雲其側產茶與白雲茶味相類涇川志山在縣南七十里有石

如女郎形故名又有石如箱中有一竅天久晴其箱漏明必

雨嘉靖府志方輿紀勝誤入南陵縣下山西曰茯嶺斷而起曰貯元嶺涇縣志

獅子山在齊雲山東南上同

德音山在齊雲山東乾隆府志

舍坑山在齊雲山西上同

萬竹山在舍坑山西上同

柘南山在萬竹山西上同

釣絲岡在萬竹山西上同

寧國府志

卷十 輿地志 山

浮龜山一名浮盖山在縣南七十里約高二百餘丈周圍十

五里下有獅子石昔人有詩云曝背元夫不暫移山前人盡

壽期頤綠毛暗逐春風長應笑靈鰲上釣絲涇川志

小山在縣南七十里周圍十五里頂上有平地約百餘畝黃

巢叛逆有鄉民逃於頂上率衆立寨拒敵涇川志山在齊雲之

下高百餘丈乾隆府志

丁家山接浮盖之麓在縣南五十里涇川志作下有凌家灣

乾隆府志

馬鞍山在縣南七十里由舍坑過佛子嶺西趨至此乾隆府志昔

有駱駝廟久廢涇縣志

按縣有二馬鞍山故縣志有東馬鞍山以別于此又乾隆府志誤分馬鞍山爲駱駝山今從縣志

黃象山在縣南七十里約高五百餘丈周圍約十餘里嘉定宣城

志 乾隆府志作萬象山餘畧同

銅坑嶺在黃象山北乾隆府志

蔣公嶺在銅坑嶺西北同上

水東大山在蔣公嶺北同上

芋園嶺在縣南七十里山由馬鞍山趨西北至此又名淚夫

山相傳吳烈婦哭夫于此淚着地皆成血斑同上

西山在芋園嶺北山接芋園峻綿數里陰臨大河有釣魚臺

寧國府志

卷十

輿地志 山

乾隆府志 涇縣志畧同

魁山在縣南七十里周圍五六里峰巒聳秀草木暢茂舉目

遠視圓如鐘形昔有諺云魁峯頂秀石女峰高入仕路者紫

綬金章入法門者紫衣釋老今前廣東吳運判時顯居其下

宗族頗盛涇川志魁山宋吳顯登第立魁字旗於其上因名由

東流山南折而西趨至此峰巒孤秀形如覆鐘乾隆府志

東山岡由魁山邐迤而下涇縣志 又稱紅流山與魁山連

按涇川志所載與方輿紀勝同王楙王象之皆係南宋時人蓋同采常時方志之說今從其詳者

榷林山在縣南七十里乾隆府志 由麻嶺北趨十餘里至此約高百餘丈周圍

十五里一峰挺立形如卓筆半山上有仙人洞始因負薪者見而言之其後游人欲觀者燃燭而進內有石佛像石鼓石

馬等物每遇陰晦聞有音樂鼓吹之聲

涇川志 嘉靖府志同

連嶺在榷林山東北

乾隆府志

丕嶺在榷林山東

乾隆府志同

博道嶺在丕嶺東

同上

伏牛山在博道嶺北西有石巖曰裴相公巖

涇縣志相傳唐裴休修道于此

又有井曰石井

乾隆府志

梓坑山在伏牛山東南

同上

連坑上保山在縣南八十里約高百餘丈周圍二十里內有

寧國府志

卷十

輿地志 山

三十

燕兒礮冬煖夏涼遇秋風颯颯燕子多巢于內

涇川志

山有石

巖懸覆可容數十人滴水不竭

乾隆府志

銅山在縣南九十里有一嶺名曰麻嶺山勢巍巍若登天然

通太平旌德二縣往來之衝左有密巖山一峰聳立形如卓

筆其中產茶

涇川志

南接為脉峰山銀嶺山北曰密巖山東曰

畫屏山其餘重崖峻壁四圍周繞皆名銅山相傳昔冶銅于

此或曰吳王濞嘗鼓鑄焉外有九里三灣之徑水急如箭山

陡如壁最稱險地麻嶺亦在縣南九十里為涇之南境跨旌

太之間

乾隆府志

按乾隆府志分銅山麻嶺為二山又以麻嶺為大麻嶺山

皆足貽誤考証今從宋明地志以歸核實又吳王濞鼓鑄之地亦非此山有與吳別駕論銅山書見藝文志

高嶺在縣南九十里峰巒重疊嶺外無更上也太平諸山湧界而出最為南境奧區涇縣志

朝山一名樵山在縣南一百里與太平共界多產榧下有洞曰樵洞谿谷僻遠最稱幽勝乾隆府志涇縣志畧同

按縣志以朝山樵山銅山下云為二山今從府志

小尖山在朝山西乾隆府志

水西山在縣西南五里方輿紀勝北距湖山百餘步其脉自青陽

格口支分九華之秀高二百餘丈寶勝崇慶白雲三寺各占

寧國府志

卷十 輿地志 山

其勝二浮屠對峙樓閣參差自城東望之如雲錦然唐李白

詩云天宮水西寺雲錦照東郭宣宗嘗寓于此詩云長安若

問江南事報道風光在水西謂此嘉靖府志山在縣西南五里林

壑深密下臨賞溪循溪而入有塢曰水西坑最幽勝方輿紀要大

清一統志同

按唐宣宗隱于水西史無其事恐皆沿譌又涇縣舊志載

唐宣宗小字風光一事更屬俚鄙今不載

白雲山在縣西南七里下臨白雲潭舊產茶入貢今廢方輿紀要

大清一統志

五城山在縣西南七十三里江南通志作七十里乾隆府志作六十五里聳于郭

山之旁藍山之中者形勢相銜屈指有五落落如城郭然熙

寧中縣尉劉誼精通地理奉檄至是鄉嘗下藍輿凝竚久之

酷喜是山因定名五城

涇川志

石柱山在縣西南九十里山有二峰對如柱

嘉定宣志

界接青

陽縣其南與石埭陵陽山相望合溪出此

方輿紀要大清一統志

有石

柱坑坑口有觀音巖上有磨崖碑

乾隆府志

湖山在縣西七里

大清一統志作五里

即格山之派高三百六十丈

其下靈惠廟在焉上有龍池古廟基險峻人跡罕至後半山

間有走馬壠居庵廢基井泉並存

涇川志方輿紀勝誤入南陵縣下

桂山在縣西十里亦格山之派坡陀東出高十餘丈黃州太

寧國府志

卷十

輿地志

三十一

守方廷瑞揭名兼有題咏今其閣已廢然林木輝映亦林壑

之勝

涇川志

雙桂山舊作桂山在水西白雲之北高數十仞下

環池塘二十餘畝沿堤皆柳名柳湖下坊河西鎮在焉

乾隆府志

涇縣志畧同

楓坑山在縣西二十里高二百丈亦曰栢林山與湖山接

涇川志

湖嶺山一名巫嶺在楓坑山西高四百餘丈絕頂可以望江

路通櫟山

大清一統志

盤坑山在縣西二十里

大清一統志以崖谷宛轉而名新坑澗出此

山產薪炭茶

竹居人資之以為業中有西峰大聖祠雖路險難進然祈禱

極驗涇川志

石牌山在縣西二十里下有洞可容數十人洞出寒泉冷熨

人齒形如龜草木如綠毛然山四面皆美石方輿紀勝嘉靖府志本此

按此山乾隆府志皆作石碑山又以爲在縣東北當有錯

誤

四顧山在縣西二十里山平原陡起高出羣岫上有聚龍庵

併龍池東望黃山三十六峰隱現天末西眺南陵蕪湖綠烟

浮空南瞻九華如屏長江如帶北瞰文脊敬亭如在有無間

瞬息千里一覽無際諸山之最勝者乾隆府志

大小嶺在縣西二十里乾隆府志云由四顧山西趨至此爲通安池孔道土產薪茶

寧國府志

卷十 輿地志 山

竹木居民樵販以供縣市涇川志

下麻嶺在縣西二十里

按此嶺乾隆府縣志皆不載今據涇川志補入

後山在縣西二十五里賞溪徑其下大清一統志山在四顧山東

北乾隆府志

西江山在縣西二十五里與楓坑山相接有路通櫟山有伏

虎石禪師乘虎往來憩息之所

按此山乾隆府縣志皆不載据縣志巫嶺深巖邃谷周回

數十里路通櫟山此山蓋巫嶺之支峰也

大寧山在縣西三十里唐猷州城在其下今大寧寺地是也

康熙府志 乾
隆府志 畧同

櫟山在縣西四十里高數百丈周回五十里形勢高聳竹木
森然入山有松徑數里乃唐乾元大師卓錫之所塔跡見存

涇川志 乾
隆府志 畧同

蔣山一名雲嶺在縣西二十餘里

乾隆府志作四十五里
上有雲嶺柵置汎兵

下

有小路入義上義下兩鄉雲嶺約高五里周圍二十餘里

涇川

志

紀家嶺在縣西五十里路通青陽界接南邑

乾隆府志

北拱山在紀家嶺東綿亘數重環回如堵俗名畢公里由山

西趨始至紀家嶺

同上

寧國府志

卷十

輿地志 山

三十四

管嶺又名管林在北拱山東五里通安池間道

同上

丹山在縣西北五十餘里

涇川志 乾隆府志俱作西七十里

世傳竇子明煉

丹其上池竈猶存鄉士名登天府丹必先見

嘉靖府志

龍珠山

一名文門墩

在縣西七十里高二十餘丈廣約五里狀似

圓珠介于丹山南藍之間二山奔趨而來勢若爭吞其珠舊

有奇術士號為二龍爭珠形

涇川志 方輿紀勝誤入南陵縣下

南藍山一名鴻峨山在縣西七十里卓如屏立縈紆圓轉四

時蒼翠故名之曰南藍

涇川志

清風嶺在南藍山北綿亘數里

乾隆府志

震山由清風嶺南趨十里高矗雄峙橫堵大溪

同上

寨山在縣西七十里高百餘丈廣十里昔鄉人遇盜擄掠曾

立寨其上故曰寨山

涇川志

山下有汪公柵

乾隆府志

白沙山在縣西七十里由黃蘗嶺北趨至此高亘數里蘆巖

山香爐山俱與白沙山並峙

同上

按蘆巖香爐二山不見縣志蓋皆白沙山支峰

盤龍山在白沙山北

涇縣志

殿子嶺在縣西七十里

乾隆府志由丹山趨東北至此

高十丈餘廣約五里

昔西峰大聖以道杖拄地泉湧四時不竭鄉人遇旱祈禱挹

其水以祀之常獲感應故為之立殿而因以命名焉

涇川志

郭山在縣西七十五里約高數百丈迢迢發骨蓋自池之九

寧國府志

卷十

輿地志 山

三十五

華下距鄰邑之南陵回旋曲折約三百里是山之中奇異迭

見不時牡丹見焉紅紫遍色在于俄頃遠而視之向者如迎

背者如訣近而執之則花沒根移萬狀皆絕此殆一時神花

也

涇川志

相傳郭璞棲此因名自趾至顛皆疊崖成山有通天

洞仙人橋鍊丹鍋郭洞墓諸蹟山麓有泉通江曰潮泉右為

玉屏峰

乾隆府志

四角山在縣西七十五里高數百丈周圍二十里峯頂夷坦

可容千餘人昔黃巢亂有寨于是山之上一旦人馬忽至洋

洋如神在其上者雲霧滃興賊倒戈而退亦名四角寨云

涇川志

上有寨址俗稱章公寨有泉取之不竭

乾隆府志

蘇嶺在四角山西

乾隆府縣志同

鳳山在蘇嶺南相傳成周時有鳳翔于此

方輿紀勝嘉定宣城志謂在長樂

寺側
餘同

大城山在縣西七十五里昔郭璞嘗鑿泉眼于山椒以視潮

候今人以潮之大小為雨暘之占云

方輿紀勝

山周圍五里形如

覆鐘下有潮泉昔郭璞所鑿泉眼以應潮眠潮之往來信如

四時時值不雨人有齋莊盥沐趨其祠所立木為像禱而潮

應者可立而待潮之應期或大或小而潮之大小雨之遠近

係焉其潮小通七日作雨潮若大湧三日乃雨苟禱之再三

而潮不至則是歲必有旱熯之慮故時人多以潮之應否為

寧國府志

卷十

輿地志

三十六

喜戚

嘉定志嘉靖府志畧同

血嶺山在大城山北舊傳黃巢戰此血流山谷因名有間道

通青陽

乾隆府志

一人泉山在縣西七十五里高約三十丈廣三里餘中間石

迸泉流四時不息號曰一人泉因以名山

涇川志

按此山乾隆府縣志皆不載今補入

回軍山在縣西七十五里傳有葉民居此捕賊有功賜爵尚

書嘗以木為箭書名于上黃巢軍見之驚駭而回因名高百

餘丈下臨澗水為回軍潭

乾隆府志

按郭山在縣西七十五里此山是其支峰則遠近亦當相

類

陽山

飛虹山

一名
緋紅

赤麓山俱在回軍山東

同

望江山在縣西八十里巍然峙于郭山之背高實倍之如天

朗氣清長江瀟然在目芻蕘雉兔者皆往焉

涇川志

石壠洪頭山在望江山西

大清一統志

山上石植如堵是為天寶

磨崖碑山麓有石日子瞻泉曰珍珠東下三里有洞曰燕兒

涇縣志

碧山舊作石碧山隔溪與石門山對峙沿溪窄徑別自幽奇

是產名茶多瑞香奇石李白詩問君何事棲碧山即此

涇縣志

乾隆府志
署同

寧國府志

卷十

輿地志 山

三十七

烏龍山在縣西八十里與丹山相接高七十丈廣約五里餘

遍地碎石色黑如鱗甲屈伸起伏奔蹶盤旋狀若龍馬

涇川志

野爐坑山接烏龍山左上有天井池將雨則池水先湧間有

帆蓆蒲草隨流而出

乾隆府志

銅峰山在縣西八十里高百餘丈廣十餘里勢似雲屯

涇川志

由烏龍山西趨至此上有唐楓宋塔雙筍石油鹽石朱砂井

宿雲亭大土崖仙人橋雀浴池諸蹟下為壁山產馬牙石可

鑄印章又產天星石晶潤勝寧邑仙石

乾隆府志

寶峰山在縣西八十里石巖高數十尋有人物鳥獸狀雕繪

不能及山背一竇甚紆折出竇又平遠空曠飛流千尺鏗訇

趾下大清一統志

眠牛石山一名黃蘗嶺在縣西八十里高百餘丈廣五里有

大石聳出狀若牛眠涇川志

天河尖在眠牛石山西南乾隆府縣志同

萬峻嶺在天河尖南同上

芝嶺在眠牛石山北同上

冰山由芝嶺東趨至此綿峻雄特自西而北諸岫之脉多從

此分乾隆府志

荇荻山在縣西八十里頂平行有泉沸出居民墾以為田方輿

紀要山高三百仍有走馬岡水竹塢楊柳街跨歸橋諸蹟往來

寧國府志

卷十輿地志 山

者莫知為峰頂也同上

石門山由荇荻東趨十餘里至此突起團墩俗呼團圓山絕

頂磊石憑空劃然中斷雙闕巍然有碧茗坡叢蘭塢小赤壁

斷虹岡百折壠諸勝宋隱士徐時居此號為小輞川同上

巴山由岑山東趨十里至此廣袤七八里巨石橫亘不生草

木有穴曰仙人洞同上

石壁山在縣西一百里李白詩云石壁望松寮宛然在碧霄

卽此嘉靖府志舊作玉屏山土人呼前山南山不一名在丹山南

二十里由太平游山分支入邑西境起蒼坑嶺桐樹嶺高嶺

諸山而東趨至此高三百餘丈列岫如屏多松竹產美茶乾隆

府志

歐家塢山由石壁山東趨至此上有洞出異風隔河山當之

夏涼如冰土人稱另家風冰坡山同上

祈龜山在石壁山東同上

岑山由黃龍山分支而南趨至此在縣西一百里高約五百

仞接馬鞍嶺間道通太平同上

黃龍山在縣西一百里跨青陽界與佛回尖望江尖天門嶺

諸峯起伏相連同上

西香嶺在黃龍山北同上

蠻唐山在縣西一百里高數百丈周回五十餘里中有大巖

寧國府志

卷十

輿地志 山

三十九

上有石臺舊仙人曾奕棋於上下有蠻王殿基及上馬臺石

存焉涇川志 乾隆府志 畧同

西公山由冰山別為一支而西趨至此叢林密箐最稱孤僻

北曰陰坑冲西接蠻唐山乾隆府志

響山在縣西北十里乾隆府志 作五里亦格山之派石壁屹然高五

十六丈前有白石紋狀如人立下有石巖廣深各三四丈其

後有石穴廣深又倍之石壁之上草木倒生旁出葱蒨可愛

前臨官道一里許每行人過此呼嘯其山聲輒相應故名曰

響山俗亦曰白額山涇川志石壁屹立狀若獅蹲又稱獅山後

為觀音洞南一洞尤為幽奇與隔溪幕山對峙為通縣水口

明萬曆間知縣邵蕢買隸儒學培養樹木蔭庇風水乾隆府志

孤坑山在縣西北二十五里乾隆府志兩山之間有兩路出

焉故有上孤坑下孤坑之名下坑舊有官路通南陵今徙於

李衝上坑有路出雙澗通池州坑有陶竈出陶器以資鄉邑

之用涇川志

青峯嶺在縣西北二十五里高數十仞乾隆府志

茅山 景山俱在青峯嶺東同上

雙澗分界山在縣西北四十里與南陵縣澄清鄉抵界中有

官路通孔鎮入池州驛道涇川志乾隆府志同

馬姑山一名馬公山在縣西北四十里由石巖山過伏嶺北

寧國府志

卷十

輿地志 山

四十

趨至此乾隆府志

石巖山由蕭坑壠東趨五里至此巉削峭異相連曰松木岡

與洞山俱在縣西北四十里同上

亭子山在縣西北四十里西三里曰楊木冲接南陵界同上

團冰山 巖山 諸吉嶺俱在縣西北四十里低平不起峯

巒巖山有洞同上

魚磳山在縣西北七十里下有一窟濶踰三尺脉通江海時

有湧泉則有魚隨波而出方輿紀勝大清一統志方輿紀要畧同

按此山乾隆府縣志皆不載蓋縣西北四十里即接南陵界而此山與和尚山皆在七十里外故前志遺之然地勢

有犬牙相錯處考之南陵縣界又無此山則宋以地志列此山於涇縣下必非無据今仍附於西北諸山之末又縣志載湧泉在縣西北魚磳山下而山水門失載此山亦屬踈漏

和尚山在縣西北八十里

方輿紀勝

絕頂有仙洞二所洞口僅三

尺餘磬折可入濶六丈長約七八里石結其頂旁有石閣上垂石鋌狀如鷺管下有水池泉甘於蜜煉丹藥竈在焉藥丸大小有三見者隨取隨盈自是怪毒間見人莫敢前獨樵夫採斫不廢或聞敲金擊玉如奏樂者推局布子如奕棋者屬耳聽之則寂然無聲至今傳曰仙洞

涇川志

桐山在縣北門外與漠山相比高五十餘丈

嘉定宣

山有三

峯相連數百畝

涇川志

磊坑山一名石磊山在縣北五里山皆陂阜中多怪石磊塊如亂珠因名曰磊坑

同上

玉龍山在縣北十里形如半月高十餘丈廣百餘步盖池州九華山之派山尾實屬青陽地名曰格口自此東出百餘里臨賞溪故山之首名曰格山其下支分派別岡巒萬狀得其壯而據上游者爲湖山靈惠廟基得其秀而中處者爲水西三寺得其正而屹立乎後者實爲縣治坐山云

涇川志

北石山在縣北十五里自涇之南陵道出其中土產灰堊碑

石嘉定宣
城志

蕭山在北石山西乾隆府
縣志同

柏山在縣北二十里乾隆府志
作十五里舊圖經云自旌德發脉而來

穴如龜形俗云宣城未建嘗卜基此地役者鍤石而偶破白

龜之首流血滿溪遂名其港曰紅子港灘曰赤灘龜行至宛

水而止遂定為州基故宣城曰白龜城者盖原於此山有城

尚存嘉靖
府志

龜湖山在縣北二十里極高而大上有靈湫同上
府縣志不載

孤山在縣北二十五里高約二里自縣城北望實為水口涇川

志上有黃巢寨及走馬壠池沼存焉北有高嶺廟祀汪王南

寧國府志

卷十 輿地志 山

有黃埭庵奉西峯大聖嘉靖
府志

石龍山在縣北二十五里下有水洞庵有林壑泉石之勝涇川

志

石結嶺在石龍山南由紀家嶺踰南陵境二十餘里復入涇

界北趨至此乾隆
府志

蕭坑壠在石龍山東同上

閻山在縣北二十五里馬頭山之東南根盤五里餘山不甚

高中多疊巘彷彿蓬壺故昔人以閻目之嘉靖
府志

雞子嶺在縣北二十五里下南陵官道由此南五里有村墟

日麻園市涇川
志

巖籬洞在縣北二十五里廣袤數丈高三丈如螺旋頂不柱而屋洞後有一洞高丈餘深十丈東西可往來大清一統志

白塔山一名丞相山上有白塔寺下有金雞洞巖籬洞接山

之西乾隆府志

馬鞍山在巖籬洞西石壁峻嶒俯瞰涼潭上有幽洞多海棠

同上

賀堂山在縣北三十里宋守昌森讀書堂在焉涇川志 乾隆府志 同

李衝分界山在縣北三十里與南陵梅根鄉抵界涇川志

按涇川志別著李衝二字盖以別於雙澗分界山爾此足

見古志之詳核

寧國府志

卷十 輿地志 山

榔山在縣北三十里高三百餘丈舊多榔木故名有上榔中

榔俱與關旗嶺接乾隆府志

幕山一名漠山在縣東北五里相傳左難當與輔公柘拒戰

於此故壘尚存大清一統志 方輿紀要 同左難當與輔公柘相持處北

峯最高曰小幙山又有香爐峯甄筭山皆在山側乾隆府志 涇縣志

畧同

畫眉嶺在幕山東重崖密壑亘十數里通本郡孔道由嶺而

西為幕山乾隆府志

馬頭山在縣東北三十里以其山似馬首故名嘉定宣 城志山在

閬山之北縣東北之盡山也嘉木美竹盤結岩隙下臨深淵

商舟湊集

乾隆府志

豸山在縣東北七十里由金牌嶺分支西趨二十餘里至此

高峻雄亘偉然大觀東北一巨鎮也東北有葛泥壠跨宣邑

界同上

按金牌嶺在縣東九十里

鼓樓山在豸山南十里其北五里曰竹絲岡設汛兵下有界

牌南屬涇北屬宣去縣治東北三十五里同上

按此與縣東七里之鼓樓山同名

寧國縣

顯山在縣東四里雞山鄉

乾隆府志

寧國府志

卷十

輿地志 山

四十四

妙山在縣東五里雞山鄉下有潭名妙潭

大清一統志
乾隆府志同

女兒山一名響山又名語山在縣東二十里蘆城鄉舊傳唐

開元中有神女現巖上羅隱嘗鑱詩於石歲遠剝蝕不可復

識宋太學上舍縣令丁濟等有題

嘉靖府志
乾隆府志畧同
乾

蔣山在縣東三十里高數百丈世傳有人姓蔣顯靈于此因

以名山有馬踐坑石蹄跡宛然山巔有寺乃唐東禪師道場

寺前有田數十畝冬夏流泉不竭山之東南有蒼坑潭龍王

祠歲旱祈禱于此

嘉靖府志

按乾隆府縣志別分蒼坑為蒼坑山又不載去縣里數殊

為牽混今從嘉靖志

銀山在縣東六十里寰宇記云舊有銀冶故名

方輿紀勝嘉定宣城志

按今本太平寰宇記無銀山蓋刊本脫落耳此山乾隆府

縣志皆不載今補入

冷渡五山在縣東九十里東曰桂山西曰金字南曰青紅北

曰周壁東北曰黃封山脉皆自傍郡經數百里綿亘而來形

勢皆秀山下有溪遇霖潦彷彿江湖民皆病涉宋寶佑丙辰

里人鄞州通判鄭希深架石為橋往來便之

嘉靖府志乾隆府縣志畧同

禹堯尖在縣南七十五里

乾隆府志作一百里

高四百丈峰巒聳特上

有龍池俗傳禹治水過此因名俚諺無據但以祈禱有感故

錄之

嘉靖府志

寧國府志

卷十

輿地志 山

四十五

朗山一名長安山在縣東一百十里

乾隆府志

湯公山在縣東一百二十里高二百八十丈周迴八十里傍

一峰名仙人尖有石壇山下有廟俗或譌為成湯廟又謂其

山為商山

嘉靖府志輿紀畧同

方

右為馬蹄嶺路通昌化左有銅嶺

關路通於潛

大清一統志

千秋嶺在縣東一百里

大清一統志作百二十里

江南通志乾隆府志作百五十里 羅

隱詩想望千秋嶺上雲

方輿紀勝

岡巒纒屬溪谷幽勝道通西浙

嶺下有雲梯舊置仙郎巡司於此

大清一統志

嶺界於潛迴合幽

勝蔽翳白日亢旱時雲氣一起輒雨久潦時他山未霽此嶺

雲散輒晴吳招討使李濤出千秋嶺討山越見通鑑

乾隆府志

按諸山去縣里數及東西準望皆據乾隆府志以一方專志較之統志寰宇者稍爲詳密也他縣仿此

西山在縣南五里昔有虞璠隱居教子邑人以虞有高風過

必式焉

嘉定宣城志 乾隆府縣志畧同

石仙尖在縣東南四十里高插雲漢上有仙人祠舊傳葛仙

翁曾採藥於此

據嘉靖府志補

東山在縣東南五十里山南谿洞偪隘至此獨豁然開朗下

有渡曰石口卽東溪所經也

方輿紀畧 大清一統志同

按此山乾隆府縣志不載去縣里數餘與二書所載同

岳山關在縣東南六十五里高三百丈周圍四十里由鄉之

寧國府志

卷十

輿地志 山

四十六

金村石逕入山百餘步東西兩峰對立如門山各有巖洞深

邃莫測溪流由山中達於縣之東關通杭州之昌化縣寧川

志山在慕信鄉八都之程村

嘉靖府志

縣東南有嶽山巡檢司舊置嶽山下

明史地理志

關口山在縣東南六十里一名獅象山其中境隘溪深泉壑

縱橫

方輿紀畧 大清一統志

多油漆紙皮之利山盡處有懸崖隱飛瀑

龍湫

大清一統志

按嶽山舊置關於其上乾隆府縣志遂分嶽山關口爲二

山又別有關山以嘉靖府志及方輿紀畧諸書細校之道

里既同形勢亦合實皆一山故于關口山外不復別分名

目今據以訂正乾隆府志備列異名于下以俟後人參考
又乾隆府志于一山分作二山之處卽不復載道里岐誤
顯然如蔣山分作蒼坑山之類皆然

駐蹕山在縣南一里本名薛家山明大祖南征嘗駐蹕于此

亦名駐蹕 方輿紀要 乾
隆府縣志同

雞山一名鳳山在縣南五里鷄山鄉世傳有金鷄鳴其上故

名峰巒秀拔爲縣之鎮山 嘉靖府志 方輿紀要大
清一統志 乾隆府縣志同

泰山尖在縣南十里與學宮對峙山南二里許有古縣故址

乾隆
府志

琴山在縣南三十里大慧杲禪師訪楊氏萬卷堂見其山似

寧國府志

卷十 輿地志 山

琴因名之 乾隆
府志

屏山在縣南五十里形如屏大慧杲師名之 乾隆
府志

象鼻山在縣南六十里形如象鼻因名有巖曰寶陀飛泉一

道自絕頂而下其聲如雷因橋澗出村口 大清一統志
乾隆府志畧同

陽濠山在縣南七十里又名平茗山脉自歛而來最高爲邑

南障奇巒異島若飛皆頓駐于此絕頂有龍湫噴湧而出遠

望如練 嘉靖府志 大
清一統志畧同

黃尖山在縣南七十里山上有葛仙巖俗傳葛仙翁煉丹于

此有石室在焉 據嘉靖
府志補

黃顏山在縣南八十里高二百餘丈上有石室可容數百餘

人無徑可入攀木沿崖以登相傳晉永嘉中有仙人黃顏鍊

丹于此

方輿紀要大清一統志乾隆府縣志畧同

了髻山在縣南八十五里高二百五十餘丈山有巨石如了

髻南唐時嘗作烽燧樓于其上外有仙燕洞容百餘人鄉民

嘗避兵于此

方輿紀要大清一統志乾隆府縣志畧同

周莊山在縣南八十五里有瀑布泉穿成井深不可測大慧

杲禪師曾游此有題

巖山在縣南九十里宋紹興中潰兵為寇鄉里苦之士豪楊

巖砦老幼于此山率丁壯據險邀擊走之巖中流矢死故名

以上二山據嘉靖府志補

寧國府志

卷十

輿地志

四十八

北姑山在縣南百里高三百丈周迴三十里自天目山來委

蛇舒衍忽然峭拔有楊龍巖深邃可容百餘人下為泉流飛

瀉

方輿紀要大清一統志乾隆府志並同

中臺山在縣南一百二十里與昌化縣接境

方輿紀要大清一統志同

千頃山在縣南百二十里上有池約千頃池中一山形似鉢

孟因名鉢孟山

乾隆府志

黃岡嶺在縣西南四里

方輿紀要大清一統志同

紫山西北蜀洪山

方輿紀要

在縣西

一百里其徑僻險湖樂巡

司置于此有三曲瀑布泉出此

大清一統志乾隆府縣志俱不載道里

籠叢山在縣西南一百五十里南屬績溪界峻嶺崇關宣歙

扼塞處正德間姚源盜起官軍於此防戍叢山關在焉高二

百丈周圍三十里

方輿紀要 大清一統志 乾隆府志 署同

獨山在縣西五里自鐵陵屏發脉過為縣治來脉

乾隆府志

嵩山在縣西北七里延福鄉高二百丈周圍三十里四面望

之其峯筆立近邑惟此山殊秀旁有大黄山小黄山

嘉靖府志

獨

山又西三里曰嵩山環望如筆大黃小黃二山夾峙其旁下

臨西津

大清一統志

寶山頭在縣西十里相近有觀音山龍潭坪仁村嶺修道山豪

山自浙界分脉

乾隆府志 縣志同

陽和峯在縣西六十里峭拔如筆有甘露王祠俗傳每遇上

寧國府志

卷十

輿地志 山

四十九

元夜靈光燭天祈禱多有應

據嘉靖府志補

石柱源在縣西六十里石筍高五丈餘壁立獨聳四山環峙

乾隆府志

遙嘉嶺在縣西七十五里界連昌化設關稽巡

乾隆府志

石柱山在縣西七十里石柱高二十餘丈

乾隆府志

塵嶺在縣西八十里高一百六十丈濶五十里道通新安山

勢險峻按越國汪公行實云兵至塵嶺時大暑土馬皆渴公

以戈鑄石得泉後人因加浚鑿石上有馬足印又有藏馬洞

在嶺之右嶺多塵鹿故名

嘉靖府志

楓樹嶺在塵嶺北二十里與獨蛇伏嶺分水叢山四關皆茂

密險隘之地明嘉靖中建哨臺其上大清一統志 乾隆府志同

雲門山蟠龍山俱在楓樹嶺北乾隆府志

擊鼓山在縣西九十里太平寰宇記作東南一百二十五里方輿紀勝作縣南八十五里上

有石鼓天雨則鳴寰宇記云大清一統志 乾隆府志同

按王象之引寰宇記云云則南宋時寰宇記刊本尚作在

縣南八十五里後乃誤作東南一百二十五里也上有石

鼓等八字今本寰宇記亦無疑似此脫誤者當復不少

高峯在縣西九十里雲門鄉西坑山之上峯最聳秀東趨郡

城北有小溪旁則八角峯山頂產茶乾隆府志

按乾隆府志又有濟坑山注云即西坑山實與此山為一

寧國府志

卷十 輿地志 山

今削去又乾隆府志於峯嶺下必贅一山字殊非體裁今皆刪去

八角峯在縣西九十里自黃山發脉勢最聳秀綿亘郡城於

高峯旁斷而復起狀如九疑左有文筆峯相近有敏子嶺又

有福金山又有順嶺路通徽浙乾隆府志

紫山在縣西一百里一統志 作西南周二百里高數百仞中有龍池

龍井其北為前塢嶺斌坑方輿紀勝 乾隆府志畧同

按乾隆府志於此山下又有三曲水瀑布泉乃誤引一統

志蜀洪山下之語今不錄

柏山在縣西一百里當往來通道又名琴山方輿紀勝 乾隆府志並同

石鏡山在縣西一百十里有石如鏡照之形多變異有龍巖

瀑布

大清一統志

將軍石山在縣西一百二十里石在山巔約高十餘丈雄偉

聳拔如介士帶劔屹立

嘉靖府志 乾隆府志 署同

白雲山在縣西北五里西津渡之左唐刺史許渾題詩一片

白雲千丈峯殿臺樓閣架虛空卽此山下潭清碧可愛

嘉靖府志

乾隆府志 署同

石巖山在縣西北十里山頂泉湧歲旱祈禱輒應下爲五河

渡口

乾隆府志

通靈峯在縣北二十五里高二百丈四山如環孤圓挺秀絕

寧國府志

卷十

輿地志 山

五十一

頂平處六七畝有二井庵後石壁巉然號雞冠石乾隆府志

云石馬通靈並接宣城又相近有紫巖山山巔有池泉味清

洌

乾隆府志

文脊山一名曷山在縣西北三十里何法盛晉中興書云有瞿

矸先生不知姓名住宣城文脊山卽此人祀之祈禱有靈高

數千丈周三三百餘里西接涇旌諸山北接宣城柏枧山峯巒

攢秀巖洞盤曲爲郡雄鎮

太平寰宇記 方輿紀要 大清一統志 署同

山門山一名石門山一名靈巖山在文脊山東南諸洞勝概

萃於一寺卽靈巖也梅聖俞與宣城簿張獻民同游留六題

刻石存焉石壁峭立劃然中開儼若城闕謂之山門中有山

洞五水洞一巖石最爲幽勝

嘉定志 方輿紀要 大清一統志

按方志云山舊有七十二洞惟靈巖紫雲連漪朝陽夕陽碧雲六洞最著今攷山有應真洞尤奇俗所號羅漢窟也余以丁卯上巳日同人遊此凡接梯百丈方得入洞門自洞中盤折而上約五百步則已出山頂矣然山徑稍遠遊人至者百無一二故題詠亦絕無今特表出之以爲後來者導云

石嶺在山門山東十里建炎二年叛將戚方犯寧國邑人方致堯拒之於石嶺不剋死之

方輿紀要 乾隆府縣志畧同

鴟山在縣西北三十里高五十四丈周三十里與廣德州界

寧國府志

卷十

輿地志 山

五十二

出茶尤爲時貢茶經云味與蘄州同梅詢詩茶煮鴟山雪滿

甌梅聖俞詩亦云茶詠鴟山佳

太平寰宇記 方輿紀勝 大清一統志

按乾隆府志鴟皆作鴉今依一統志校正

龍潭山在縣西北一百里有龍潭山谷深遠與文脊山相

連亘宣城旌德錯界處

方輿紀要 乾隆府縣志不載道里

烏石峯一名仙人山在縣北十里成化間楊氏幼女年十三

結茅此山白日翀舉觀者千百人収其遺物葬焉水旱疾疫

禱者輒應相近有遊魚山在縣北洲中其形似魚

乾隆府志

旗鼓山在縣北十五里左旗右鼓夾西潯水對立拱護縣治

相近有鱗山

乾隆府志

石馬山在旗鼓山西北二十里方輿紀要

佛嶺在縣北十五里相傳大慧杲禪師卓錫處手植古楓一

株尚存乾隆府志

獅子巖在縣北二十五里萬山之中別開一境明湯賓尹葉

洗讀書處巖下有香泉井夾路松羅漢石諸勝泉內多螭虎

每天陰雨乘霧飛躍乾隆府志

洪公山在縣東北四里高一百丈周迴二十里舊名長洪嶺

昔有隱士洪伯禮居此故名山有水源獨西流深至二三丈

歲旱禱之輒有雷雨嘉定宣長洪嶺在縣東三十里有關通

廣德州界大清一統志

寧國府志

卷十 輿地志 山

五十三

按乾隆府志皆以洪公山長洪嶺爲二山今據嘉定志洪

公山舊名長洪嶺周迴二十里則實一山也蓋後人因山

勢綿延因其起訖而別名之故道里或有不同耳今仍其

舊

疊洪山在縣東北四十里高數百仞周數十里自五渡河北

抵宣城東南諸山皆發脉於此東去爲澤嶺冬夏常濕故名

乾隆府志

按乾隆府縣志以縣境諸山皆發脉於浙江之天目山遂

以天目山載入此縣可謂無稽志山而必究發脉本屬堪

輿風水之說不可據以定方輿若窮其弊而論則山水一

也山可究發脉水亦通源委江以南支渠皆受大江委輸
或百里數百里不等亦可照天目山之例不在縣境而以
之入縣志乎今特將天目一山削去庶使後人按圖索記
不致傳疑如飛來之峯羅浮之嶺有變幻合離之惑也
旌德縣

高家嶺在縣東二里許有竇子明丹井相傳井在塘中水涸
則見有壅之者越數月井復如故雨後每聞異香

乾隆府志

后妃嶺在縣東四里舊傳潘閻女爲齊帝妃故名又有甘子
嶺距后妃嶺七里

乾隆府志

按齊書東昏侯紀潘淑妃父名長慶此名閻當係又一人

寧國府志

卷十

輿地志 山

五十四

耳

華陽山在縣東五里半山平曠可居

嘉靖府志引李瞻旌川志

按李瞻旌川志久已亡惟嘉靖志偶引之今分列諸山下
以存宋時故事

感化山在華陽山西今縣城東門曰感化以山名也

方輿紀要

鳳凰山一名唐山在縣東七里

乾隆府志

百鳧山在縣東十里從石鳧西來蜿蜒崛起有石巖高數丈

産風蘭

乾隆府志

黃栗山在縣東十里龍聳綿亘山頂矗起三臺周回二十餘

里

乾隆府志

大鰲山在縣東十里鳳巔若大鰲盤屈十數里有瀑布泉流

不竭

乾隆府志

玉壺山在縣東十五里昔竇令君指壺以飲滕公于此有飲

客指玉壺煉丹燒火井之句有會勝寺後有金井泉本梁滕

公相宅

方輿紀勝 旌川志 乾隆府志 署同

石嶺在縣東十五里有水東西分注

乾隆府志

鳧山一名石鳧山在縣東南二十里有白龍潭梅溪出焉有

巨人跡馬蹄石搗藥臼俗傳陵陽子明二女化青鳧隨父仙

去故名又云子明初煉丹於棲真山頂後游鳧山遇一隱者

相與為友俱仙去今有顯道祠蓋祠二人焉

方輿紀勝 嘉靖府志 大清

寧國府志

卷十 輿地志 山

五十五

一統志

石鼓山在縣東二十里九域志云山有石如鼓天將雨則鳴

有白雲峰高數百仞與獅子山鳳亭山俱在八都

乾隆府志

白望嶺在縣東二十五里

乾隆府志 縣志

華容山在縣東三十里形似蓮花故名

方輿紀勝 乾隆府志 同

嗣溪山一名嗣續山在縣東三十里源口兩山峻壁僅容一

溪縈紆陟級數里纔有人烟其間有田數百畝低原平坂茅

店石橋村聚處畧有里巷民居多胡姓謂山相連相接欲嗣

續不絕是名嗣溪山接寧國縣界連五十餘里一峯峭突為

龍峯

方輿紀要 旌川志 乾隆府志 署同

範峰在縣東三十五里高若插天右有獅子怪石乾隆府志

夏昌山在縣東五十里據嘉靖府志補

石嶺在縣東南里許不通車馬與縣東十五里之石嶺同名

乾隆府志

南長嶺在縣南門外二都通徽郡孔道相近有倪村嶺白楊

嶺同上

梓山在縣南二里山源自徽境連屬至此聳立千餘仞山頂

有甘露王行祠半山有覽衆亭今廢僅有梓山祠有三臺峰

有石澗有桃樹不花而實旌川志 嘉靖府志 大清一統志

檀樹嶺在縣南五里乾隆府志同

寧國府志

卷十 輿地志 山

橫城山在縣南十五里山形橫障隱龍村口望若城闈相近

有琴山平子嶺銀屏山隱龍嶺黃托嶺通績溪界龍王尖皆

在一都白砂村左近同上

古唐山在縣南十五里高三十五仞周十五里與績溪縣分

界嘉靖府志 方輿紀要 一統志 乾隆府志並同

金竹嶺在古唐山東乾隆府志

黃高峯在古唐山西兩峯對峙有登仙橋硃砂石壁獅子崖

龍栖池旁有巖洞溜下成潭俗傳昔黃高公隱此一統志 嘉靖府志

獅山在縣南五十里乾隆府志

羊嶺一名羊岡在縣南五十里山多白石如卧羊通貴鄉嶺

陽接績溪界近地有中羊下羊相近有松巖在南灣孤松挺

秀旌川志
乾隆府志

芝蘭山在縣南六十里山多芝草蘭蕙有瀑布二十二都諸

村南北倚之為鎮南與績溪界乾隆府志

虎口山在縣南六十里嘉靖府志

清潭山在縣西南十里方輿紀要按縣志清潭在縣西十里石山中即此

金鰲山在縣西南五十里江村東相近有卯龍山石鷹山又

有鳳臺山在村北乾隆府志

大洪山在縣西南五十里春漲最盛故名同上

鐵帽山在縣西南七十里山形如兜鍪同上

寧國府志

卷十 輿地志 山

鵲嶺在縣西南七十里與箬嶺接黃山天都獅子三峯羅列

在目嶺西太平縣界方輿紀要乾隆府志畧同

箬嶺在縣西南八十里高四百八十仞山多箬故名西接太

平縣境南接歙縣境相傳汪華所開方輿紀要一統志嘉靖府志乾隆府志

西長嶺在縣小西門外乾隆府志同

棲真山在縣西五里昔竇子明曾居此山其壇跡存焉長孫

邁所述神仙傳子明既來江左晉元帝嘉之拜陵陽宰在縣

三年民服德化後棄官尋訪名山搜採奇藥至徽水之陽結

庵西山煉丹高嶺焉太平寰宇記一山北為西嶺仙峯黃

龍岡諸山方輿紀要

按以陵陽子明爲晉人其誤始于邁有辨証見大平縣陵

陽山下棲眞爲此縣名山而乾隆府縣志于此山下惟引

方輿志神仙傳之言亦不載去縣里數其陋畧此可概見

城子山在縣西五里棲眞山西地名穀冲

方輿紀要
乾隆府志

齊柳山在縣西十里山圓如畫眉

乾隆府志

黃茅尖在縣西十五里最爲秀拔

同上

正山一名尖山在縣西二十里唐時嘗因厭勝之說鑿斷山

脉今斷壠存焉南唐將方道項洪銳嘗屯兵於此以備吳越

山有仙人臺仙人園舊有石刻漫不可辨有龍祠禱雨輒應

有隱士汪文諒家其下義聚至千三百餘口

嘉定志
方輿紀要
嘉靖府

寧國府志

卷十

輿地志

五十八

志 大清
一統志

大嶺在縣西二十里旌嶺之最高者爲西鄉孔道

一統志
乾隆府志

巖山在大嶺東高與正山鳧山黃高峰齊土人望雲占雨

乾隆

府志

大幕山在縣西三十里形如簾幕傍起一峰謂之小幕

方輿紀勝

方輿紀要
大清一統志
乾隆府志

東山在縣西三十里

乾隆府志

高金山在縣西四十里

同上

豸山在縣西四十里山麓有獅子峰下卽唐將軍方元蕩故

居今猶稱方家園

同上

石柱山在縣西六十里

乾隆府志作四十里

有雙石挺起一巨石承之

號豹子尖尤為奇秀或曰此山先有四石高大相若後為雷

擊其二相傳梁武帝時新安程靈洗將兵趨姑孰道過其下

率眾登山築壇歃血誓平侯景因揭此石立旗幟又抽矢射

一山山摧一角今其山日射的山

方輿紀勝嘉靖府志旌川

白山 花園山 佛子嶺俱在縣西四十里

乾隆府志

千秋嶺在縣西四十五里

同上

柵山在縣西五十里地名豐溪俗傳昔有呂氏女結茅于此

山之嶺學道修真已而仙去今呼為仙姑壇山下多呂姓

嘉定

志 察上山與柵山俱在廟首東

乾隆府志同

寧國府志

卷十

輿地志 山

五十九

蛟山一名蛟峰在縣西南五十里山形繆虬如騰蛟然後有

洞逕險難入其中平曠唐永太中山寇王萬敵嘯聚于其中

招討使袁倬擊平之自唐末至今有呂氏居其下族屬繁衍

以文學登顯仕者世不乏人

方輿紀要嘉靖府志大清一統志

九峰山一名糾峰嶺在縣西五十里通太平太路一名九峰

乾隆府志

萬歲嶺在縣西五十里

同上

上梟山下梟山在縣西五十五里

同上

黃華嶺在縣西六十里與太平縣接界

大清一統志乾隆府志

九屈嶺在縣西六十里高十里濶六里嶺九屈故名

石蓮嶺在縣西六十里

二嶺俱據嘉靖府志補

鳧陽嶺在縣西北十里

方輿紀要乾隆府志作鳧羊

仙峰嶺在縣西北十里

乾隆府志

烏嶺一名楓木嶺在縣西北十五里亦曰烏山

方輿紀要

按此嶺向不見於志蓋縣東北別有一烏嶺乾隆府志疑為一而誤併之耳

雞公巖在縣西北三十里十六都新建後崇巖峭峙石如雞

冠高數十仞其東南為礪木嶺相近有鍾山天馬山筆峰山

乾隆府志

唐峯在縣西北四十里其東南為玉屏峰在十八都孫村上

同

寧國府志

卷十

輿地志 山

六十

按乾隆府志峰作山與喬亭之玉屏山相混今據縣志圖

作峰

龍首山在縣西北四十里山峰嶮萃形如龍首下有澤谿龍

王祠水旱必禱焉

方輿紀勝旌川志嘉靖府志

三溪鎮又北為龍首山

山西北有龍潭徽水逕其下與涇接界

方輿紀要大清一統志

紀家山 馬鞍山 黃姑峰俱在縣西北四十里

乾隆府志

金錢山在縣西北四十五里

同上

碎石嶺在縣北七里嶺多碎石因而名之

據旌川志補

柳山在縣北十里柳相公不詳何代人山南有石室深不可

測神祠在焉里人祈禱輒應

嘉定宣城志嘉靖府志並同

松樹嶺在縣北十七里鳧溪北湯村南

乾隆府志

仕坑山在縣北二十里

同上

玉屏山在縣北二十里喬亭橫嶂十里為邑北障

同上

礮嶺在縣北二十里太平鄉嶺北涇縣界

嘉靖府志 隆府志 署同 乾

柘樹嶺在縣北二十里鳧溪東北

同上

石壁山在縣北二十五里一名文山高數百丈連亘數里一

水中流兩崖對峙峰巒峻絕縣境之阨塞也舊時路在半山

懸崖千尺行者難之明嘉靖初郡判李默攝縣事緣溪鑿石

遂成通塗舊有石壁巡司久廢宋宣和中賊方臘由寧國轉

寇縣境統制王可成帥師拒戰于石壁賊敗却即此

方輿紀要 大

寧國府志

卷十

輿地志 山

六十一

清一統志 乾隆府志

佛子山在縣西北二十五里

方輿紀勝 作二十里

地名鍾村唐乾符中

嘗有紫芝碧蓮之異有寺曰瑞蓮

嘉靖府志

天井山在縣北三十里

方輿紀勝 作縣西

山巔巨石峭峻中有飛泉

激湍自兩竅中出俗稱為牛鼻其下有龍潭清深可愛嘗有

羽流居之

旌川志 大清一統志 大

南山在縣北三十里南灣對河係漢晉故道由石壁口上山

通蠻王尖至東固大路

乾隆府志

蠻王山在縣北三十五里宣城志云昔蠻人盜據此山歿葬

山下然不可考

旌川志

按此即乾隆府志南山下之蠻王尖

鳳形山在縣北四十里十八都禮村相近有郭公嶺乾隆府志

蠡嶺在縣北三十里自鳧山華容峯亘二十里南障縣治北

界涇邑同上

按此即涇縣之椿嶺與旌德分界處乾隆府志不載里數

據疆域志云旌德北四十里至涇界此山在旌德北里數

可知

鵲巖在縣北三十里十七都三溪東興雲占兩同上

大嶺在縣東北三十里同上

烏嶺在縣東北三十五里十都通寧國要道同上

寧國府志

卷十 輿地志 山

白雲山在縣東北四十里為九都祖山相近有方山了髻山

同上

唐山在縣東北五十里十一都嶺上有塘水長不涸同上

剝嶺在縣東北五十里柳山鄉嶺北接寧國界同上

太平縣

黃山在縣西南四十里方輿紀勝作縣南三十里上有泉水泉側多黃連

故名元租郡縣志北黟山在宣歙二州界高一千一百七十丈舊

名黃山天寶六年敕改為北黟山浙之東西歙池饒等山皆

其支脉太平寰宇記舊經云山以黃帝棲真之地故名當宣徽二

郡界有三十六峯三十六源二十四溪八六巖方輿紀勝山當宣

徽二郡界東屬歙縣西屬休寧各一百二十里屬本縣者八
十里窮高極邃諸峯秀拔山下時聞上有仙樂聲神仙傳云
黃帝昔日問道于浮邱公曰願摳衣躬侍修鍊浮邱公曰江
南黟山神仙所居無葷穢腥腐而有古木靈藥其泉香美清
溫冬夏無變沐浴飲之萬病皆愈遂與容成子浮邱公同遊
於此嘉靖府志山高三千七百餘丈盤亘三百里寧徽兩郡之名
山也峯之得名者三十六而在縣境者有八曰翠微曰天都
曰望仙曰九龍曰聖泉曰疊嶂曰仙人曰芙蓉諸峯爲之冠
餘屬徽州方輿紀要大清一統志黃山舊名黟山唐天寶改爲黃山山
有三十六峯三十六源二十四溪十二洞八巖 第二天都

峯高九百仞其峯聳翠峻潔儼若天中羣仙所都下有香谷
源嘗聞異香馥郁有天都觀高人隱士居焉 第十二疊嶂
峯高八百仞峯形如障下有石乳巖巖中滴乳其白如雪四
時不絕今俗呼云滴水巖又有陰坑源陰不見日源水東流
人自雲溪溪中有一潭如盆下又有一大潭黃帝曾向此取
水煉丹感白龍見名曰龍潭水入硃砂溪 第十六仙人峯
高八百六十仞頂有二石仙其狀宛然如刻成相對而坐俗
謂南向者爲軒轅黃帝背倚一石屏迥如玉宸北向者爲浮
邱公其下石壁高五百餘仞猿獠亦不能到遊翫者上紫石
峯望之宛如二仙人對坐下有仙人洞因此名焉 第十九

翠微峯高八百五十仞下有翠微源翠微洞翠微寺青牛溪昔有樵人於此見一青牛遂前逐之走入水中不見峯畔有布水傾下 第二十一望仙峯在山北高八百五十仞周書異記云黃帝容成子浮邱公於此湯池見一珠函玉壺持歸中峯下石室中飲壺中甘露瓊漿披函中霞衣簪寶冠躡朱履光照山谷須臾黃帝乘飛龍前引綵幢珠盖三仙飄然從峯頂上昇聞彩雲中有弦歌之聲今峯西有弦歌鄉弦歌洞弦歌溪 第二十二九龍峯連望仙峯東南高八百仞九朶合成如九龍相纏下有九龍崑九龍源九龍洞九龍溪九龍觀九龍寺 第二十三聖泉峯在九龍峯西南宛如削成上

下大中央小狀如腰鼓高八百七十仞頂上有一湯池人不能到於隣峯頂上望見池中波浪騰沸從地中湧出一布水向頂東南下入甘泉源甘泉溪周書異記云浮邱公謂黃帝曰黟山中峯之頂上有一湯池水味甘美可以鍊丹煮石蓋此處也 第三十四芙蓉峯高七百五十仞下有白馬源卽黃帝輦遊之所隔溪南面有馬跡石石上馬跡猶存深者可尺淺者可二三寸宛如泥中所印

黃山
圖經

按樂史以爲黃山唐天寶將改名北黟山 經又以爲黟山唐天寶時茂名黃山未知孰是按黃山之名見於劉向列仙傳相傳已古則寰宇記之言稍得其實耳

陵陽山在縣西六十里列仙傳曰陵陽子明者釣鄉人也好

釣魚於延溪釣得白魚腸中有書教子明服食之法遂上黃

山採五石脂服之三年龍來迎去

文選遊仙詩李善注引之按列仙傳為劉向所撰

見隋書經籍志據此可以破長孫邁以陵陽子明為晉人之誤又司馬相如大人賦反大壹而從陵陽張揖曰陵陽仙人

陵陽子明也則以子明為漢人亦屬臆說蓋詞人取材必避凡近相如賦中所見如大壹元冥黔雷長離番皇伯僑岐伯

祝融勾芒唐堯虞舜靈媧馮夷西王母之類皆三代以前神人服虔應劭作注且有不能舉其時代者則作賦時必不雜

入一本朝人無疑列仙傳所載七十二人見於世說文學篇注及直齋書錄解題今本雖係後人所輯亦復多因其舊書

中如容成赤松昌容嘯父師門浮邱公皆三皇虞夏時人降至秦穆公女周靈王子喬已為晚近則子明為秦漢以前人

又可概見但不能定其為何代人耳前漢地理志郡縣名多皆秦定丹陽郡即有陵陽縣除獲嘉柏人聞喜之外其不假

當時事跡以名縣又明証也乾隆府志多為邁說所誤土人又多感於乾隆府志之說今確考書傳附識於此以破流傳

寧國府志

卷十 輿地志 山

之 丹陽郡陵陽縣陵陽子明得仙於此縣山故以為名 續漢書郡

國志 宋書州郡志同 按此乃司馬彪續漢書本文誤刊入注中非劉昭補注也昭所注皆引衆書又漢人說其所自

言必稱臣昭曰以別之班固漢書地理志本文亦有誤刊入注中者並非自注及他人注也彪之解陵陽縣當亦因漢人

說之 山在涇縣西南一百三十里列仙傳云陵陽子明釣得白

龍放之後五年龍來迎子明上丹陽陵陽山一百餘年乃得

仙去山高一千餘丈 元和郡縣志 太平寰宇記 按唐永泰中分涇縣立太平疆界與今時畧同

今涇縣西南九十里麻口即接太平界則山在太平可知蓋太平即在涇縣西南無緣分立太平縣後其西南境尚有一

百三十里之遠也今山在太平西六十里其去涇縣里數正與古同吉甫作志時縣已分立而山仍載入涇縣并復載明

里數幾忘涇縣之西南已久分立太平縣矣蓋沿乾隆府志之失而不校樂史作記遂仍其誤可見志地理之難王象之

輿地紀勝遂兩載之云涇縣有陵陽山不復詳校二縣分合之故竟之下復云太平縣亦有陵陽山不復詳校二縣分合之故竟

以一山爲二山可謂無識 山有三峯矗立屬縣者一西屬石埭者二下有

三門六刺灘舒溪所經方輿紀勝大有白鶴池面黃海如

芙蓉秋水乾隆府志

按黃山陵陽爲此縣鎮山今從敬亭之例列於諸山之首

石鳧嶺在縣東二十里涇水出焉山多碎石高下起伏如鳧

雁嘉靖府志
乾隆府志同

白衣嶺在縣東二十五里通涇旌二邑崎仄難行明知縣崔

欽築砌以便行者有碑曰崔公路乾隆府志

掛榜山在縣東三十里諸水環抱爲縣治水口其形綿亘橫

剪如榜同上

寧國府志

卷十 輿地志 山

黃華嶺在縣東三十里與旌德接壤舊名黃瓜嶺同上

天馬山在縣東南三里學宮巽地昂藏奔突下映麻川同上

箬嶺在縣東南五十里道泰鄉甚高峻上下六十里山頂中

分爲歙縣界東麓屬旌德縣往來徑道也方輿紀要
乾隆府志同

按此嶺及黃華嶺皆與旌德分界故兩縣並載

丹山一名文筆峯在縣南三里爲學宮前案峯頂本平明宏

治中教諭鄒暘累石爲峯後教諭王佳士復增之乾隆府志

仙皇山一名洞清山在縣南十里同上

鎮山 墨斗山 橫山俱在縣南十里橫山東連小馬鞍山

同上

夫子山在縣南三十里上有石橫挺數丈曰鷹嘴下有千百石參差如列戟水流其間寒冽逼人旁有石室幽折難入同

碧山 赤山 石岡山 醉翁山 和雲巖俱在縣南三十

里和雲巖高五百仞上名火龍尖遙望長江如練中有梵宇

精舍傍有虎壠龍潭同上

大橫山縣志作大洪在縣南四十里譚家橋邊河水環繞同上

慶雲巖在縣西南三里山與天馬山遙峙同上

尚書山在縣西南二十里望仙鄉高百餘仞相傳隋尚書胡

裕隱此同上

大鰲嶺在尚書山西南十里高十五丈形若巨鰲涇水出焉

寧國府志 卷十 輿地志 山

其源為灤溪方輿紀要大清一統志畧同

湯嶺在縣南六十里乾隆府志作西南西鄉其山多懸崖峭壁方輿紀要

大清統志同

梨木嶺在縣西南七十五里上下三十餘里接歙縣界嘉靖府志

乾隆府縣志作接休寧界

棠梨嶺在梨木嶺西南五里嘉靖府志作在絃歌鄉西

桃嶺在縣西南九十里接石埭境乾隆府志

莊嶺在縣西南一百十里接黟縣境嘉靖府志方輿紀要乾隆府志同

石礬嶺在縣西南一百三十里接石埭境嘉靖府志方輿紀要乾隆府志

金雞山在縣西五里乾隆府志

霧山在縣西十五里高五百餘仞東接龍門山西抵三折嶺

林木陰翳爲一鄉勝境

大清一統志
乾隆府志同

肖黃山在縣西二十里雲根嵌空仿佛黃山中有奇松怪石

及噴玉泉牧龍池諸勝

乾隆府志

三折嶺在縣西二十里高峻曲折上有石洞下有潭曰香潭

大清一統志
乾隆府志同

鐵甲嶺在縣西二十三里三折嶺又西三里峭壁千尋下臨

大河中一線通往來石骨稜稜行者艱險

大清一統志
乾隆府志同

新嶺在縣西二十五里

乾隆府志

磐峰山在縣西三十里一峰插漢絕頂見九華大江

同上

寧國府志

卷十

輿地志 山

穰嶺在縣西三十里在章村蒼步東大鰲嶺脚橫過上七里

下七里嶺上與石埭縣分界相近有白沙嶺白茅嶺

同上

按乾隆府志於此嶺不載去縣里數今攷嘉靖志得之

密崖關在縣西五十里涇陽鄉兩崖對峙下瞰深溪從山腰

鑿石開逕以通人行

嘉靖府志

陵陽山稍東曰密崖山岡巒連亘

二十里至此兩崖對峙下瞰深溪徑險道絕一名密王關

方輿

紀要 大清一統志
乾隆府志同

眞金山在縣西六十里長壽鄉東高二百餘丈相傳昔嘗產

金

嘉靖府志 乾隆府縣志同

古山在縣西六十里穰溪東下有濬潭山嘴灣環插潭上有

石如龜浮其中相近有獅山朱子題秀蔭二字

乾隆府志

仙都山一名游山在縣西六十五里龍門鄉高二百丈亘三

十里與仙都峰相望故名俗傳左難當嘗隱于此

方輿紀勝

要志 大清一統志 乾隆府志

黃城山青雲山俱在縣西七十里

乾隆府志

拓山在縣西百二十里山上有白虎尖下有明暗二洞

同上

庾嶺山在縣西百四十里山半有古梅寒香獨早故名中有

雞峰花塢銀屏石印諸勝

同上

龍門嶺在縣西北十五里嶺上下十餘里勢甚高峻通龍門

三鄉及涇陽鄉

大清一統志 乾隆府志

寧國府志

卷十

輿地志 山

龍門山在縣西北四十里龍門鄉之東高百餘仞產百藥邑

人皆採劬之其林麓最爲幽深

方輿紀勝

異松嶺在縣北二里當地脈分脊處上有異松一本二榦樛

曲奇古因名相近有碧雲山在城北矗列綉錯如屏以頂上

三峰如髻俗又呼了髻山

乾隆府志

三門嶺在縣北十里三方阻絕一徑中通其陽爲縣治

方輿紀要

大清一統志 乾隆縣志 並同府志誤作三十里

寨山在縣東北二十里

乾隆府志

樵山在縣東北三十里接涇邑界

同上

